

類

焦

類稿卷第三十

勾吳虛舟鄭若庸纂輯

山東按察司副使古虞百榿鍾

穀同音校閱

戶部陝西司主事西蜀少川王用楨

戶部福建司主事古粵礪山鍾昌

工部管繕司員外四明夢韓張大器

同閱

臨清州知州古完呂珩校正

太學生汪珙校梓

走獸類

麒麟

仁獸

說文云麒麟仁獸也馬身牛尾肉角

歲星

春秋保乾圖云歲星散爲麟

麟

爾雅云麟麇

身牛尾一角

不祥

禮運云曰天不愛其道地不

愛其實人不愛其情故麟在郊藪

獲麟

孔叢子

云叔孫氏子鉏商獲麟以爲不祥棄之冉有告

夫子夫子將觀之泣曰予親於人猶麟之於獸

出而死其道窮矣乃歌曰唐虞世兮麟鳳遊今

非其時來何求麟兮麟兮我心憂因此愛憤作

春秋焉

木精

春秋孔演圖曰蒼之滅也麟不榮

也麟木精也麒麟圖日無光在圖尚書中侯云

黃帝時麒麟在圖好生孫卿子云古之王者好

生惡殺故麒麟遊其郊野麟德說死云麒麟畜

身牛尾圓頂一角含仁懷義音中律呂行步中

矩折旋中規擇土而後踐位平然後處不羣居

不旅行紛兮其質文也間則循循如也壽王抱

朴子云麒麟壽歲石經楚辭云使麒麟可得羈

而縶兮又何以異乎犬羊九真班固云乃有九

真之葬大宛之馬不至史云仲尼曰刳胎殺夭

則麟不至也

註

費祿曰鳳凰來翔麒麟吐哺

註

春秋感精符云麟一角明海內共一主也

王者不刳胎不剖卵則出於郊孝經援神契云

德至鳥獸則麒麟出禮斗威儀曰君乘金而王

其政平麒麟在郊

陰精

鵠冠子云麟者玄枵之

獸陰之精也德能政之其精畢至

四靈

說苑曰

帝王之著莫不致四靈焉德盛則以爲畜治平

則至矣

獸伯

吳薛綜云曰懿哉麒麟惟獸之伯

德以衛身不布牙齒

隱蹤

晉郭璞云曰麟惟靈

獸與麀同體智在隱蹤仁表不抵

獬豸

夾訟

說文云獬豸似牛一角古者夾訟命觸不

直堯帝時有進獬豸者帝問何食何處曰食草

春夏處水澤秋冬處陸食竹箭松筠

在法

神異

經云東北荒中百餘如牛一角毛青四足似熊
見人鬪則觸不直聞人論則咋不正名獬豸一

名任法獸

治獄

論衡云獬豸者一角之羊性識

有罪皋繇治獄有罪者令羊觸之

帝懷

田求子

云堯時獲獬豸緝其毛以爲帝帳

獅子

名虺

說文云虺獅子也

似虎

爾雅云後貌如如

虺猫食虎豹

食虎

東觀漢云曰陽嘉中疏勒國

獻獅子封牛獅子形似虎正黃有髯尾端茸毛

大如斗

鬣鬃

齊書云王敬則晉陵人母爲巫生

則而胞紫色謂人曰此兒有鼓角相敬則年長

兩腋下生乳各長數寸夢鬃玉色獅子後位至

太尉

搏象

宋炳獅子擊象圖序云梁伯王說沙

門釋僧告云嘗從天竺欲向大秦其間忽聞數
十里外哮吼之聲驚天怖地頃之但見百獸率
走踰地至絕而巨四象以鼻卷泥自厚塗數尺
數噴鼻偶立俄有獅子三頭見於山下直搏四
象崩血若濫巨泉樹草皆偃**神獸**虞世南獅子
賦云有絕域之神獸因重譯而來擾其爲壯也
筋骨糾纏殊姿異制闊臆脩尾勁毫柔毳鈎爪
鋸牙藏鋒蓄銳弭耳宛足伺間借勢暨乎奮鬚
砥脣倏來忽住瞋目電曜發聲雷響拉虎吞貔

裂犀分象碎隨兕於齟齬居巴蛇於指掌踐籍
則林麓摧殘吼呼見江河振蕩服猜心與猛氣
遂感德以依仁狻猊物理論云獅子狻猊也一
名白澤一名虓形似虎正黃色有髯鬣尾端茸
毛大如斗銅頭鐵額鉤爪鋸牙弭目跪足目光
如電聲吼如雷能食虎豹外國所產毛筆之長
也西國能馴養獅子因以名國伏狸博物志云
魏武伐冒頓經白狼山逢獅子使格之見一物
從林中出如狸上帝車軌上獅子將至便跳上

獅子頭獅子伏不敢起遂殺之得獅子還至四
十里鷄犬無鳴吠筋絃百陽雜俎云獅子筋爲
絃鼓之衆絃皆絕德遠瑞應圖云黃帝巡於東
海白澤出能言語賢君德及幽遠而出知龍雜
詠集云開元末西國獻獅子至西安道中繫於
驛樹近井哮噉若不自安俄頃風雨大至有龍
出井

獅禦象

克敵

宋史云宗慈討林邑王范陽邁傾國來逆

以象爲先前後無際慙以爲外國有獅子威服
百獸乃製其形與象相禦象果驚奔因此潰亂
遂克林邑

虎

山君

說文云虎山獸之君也**樞星**春秋運斗樞

云樞星散爲虎

文炳

易萃卦云大人虎變其文

炳也

秋嘯

易通卦驗云立秋虎始嘯

冬交

月令

云仲冬虎始交

射石

漢書云李廣北平郡出獵

見草中石以爲虎而射之中石没羽視之石也

明日射之終不能入

漢書

後漢書云劉昆字桓

公光武時爲弘農太守先是崤澠驛道多虎灾
行旅不通昆爲政三年仁孝大行虎皆負子渡
河帝聞而異之後徵爲光祿勳詔問昆曰前在
江陵返風滅火後守弘農虎北渡河行何德政
而是對曰偶然耳左右皆笑其質訥帝嘆曰此
長者之言命書諸策

李父

方言云虎陳魏宋楚

之間或謂之李父江淮南楚

李耳

之間謂之李耳

李耳

風俗通云呼虎爲李耳俗說虎本南郡中

廬李公所化

懸鼻

龍魚河圖云懸虎鼻門上宣

官子孫帶印綬懸虎鼻門中周一年取燒作屑

與婦飲之二月中便有兒生貴子勿令人知之

泄則不驗也亦勿令婦見之

金精

吳越春秋云

吳王葬昌門外金王精上馬白虎

看圖

古史云

秦召公子無忌無忌不行使朱亥奉壁一雙秦

王大怒將朱亥着虎圈中亥瞋目視虎皆裂血

出測虎終不敢動

觀駭

管子云桀之時女樂三

萬人放虎於市觀其嚙駭

豚看

呂氏春秋云衣

人在寒食人在飢投虎千不如一豚肩

燒角淮

南萬畢術云燒角入山則虎豹自遠惡其臭也

愛爪

說苑曰孔鳥愛羽虎豹愛爪所以輔其身

也辟惡

風俗通云虎者陽物百獸之長也能噬

食鬼魅今人卒得病燒皮飲之繫其衣服亦辟

惡此甚驗

不虞

蔣濟萬機論云猛虎不虞平地

驚鳥不立垂枝

探鯁

傳云郭久舉爲虎探鯁骨

虎嘗銜鹿以報之

驚花

裴淵廣川記云興寧縣

義熙四年忽有數十大鳥如鷺少日化爲虎倒

石人前潯陽山山有石人高丈餘虎至此輒倒
石人前虎威晉陽雜俎云虎如乙字長一寸在
脇兩傍皮內尾端亦有之佩之臨官佳威在虎
夜視一日放光一目看物獵人候而射之光墮
入地成白石主治小兒驚陽物風俗通云虎者
陽物百獸之長病化淮南子云昔者牛哀病七
日化而爲虎其兄啓戶而入虎搏而殺之方其
爲虎也不知其嘗爲人也方其爲人也不知其
將爲虎也刻五拾遺記云始皇二年外畫工名

烈裔刻兩白玉虎其毛如生不點兩目睛始皇
使余工夜往點之旦虎飛去明年南郡獻白虎
二視之乃玉虎也命去目睛乃不能復去虎厄
幽冥錄云晉孝武母李太后本賤人簡文無子
曾遍令善相者相宮人李太后給皂役不預焉
相者指之此當生貴子而有虎厄帝因幸之生
孝武及會稽王道子既登尊位服相者之驗而
怪有虎害且生所未見乃令人畫作虎因以手
打虎戲便患手腫痛遂以疾而崩

軀謹

風俗通

云呼虎爲李耳即喜呼班使即怒又方言曰江淮南楚之間謂之李耳虎食物值耳即止以觸其諱故也

於菟

左傳云闔伯止淫於邲女生子

文焉邲夫人使棄諸夢中虎乳之邲子田見之遂使收之楚人謂乳穀謂虎於菟故命之曰闔穀於菟注夢澤也穀乃后切菟音徒

次補

韓子

云夫虎之所以能伏狗者爪牙也使虎釋其爪牙而使狗用之則虎反服於狗矣人主者以刑德制臣今君若失其刑德而使臣用之則君反

制於臣矣。**分羊**商氏世說云匡亮字子華少學公羊十四舉孝廉到陽城遇虎爭一羊亮乃按劍瞋目斬羊腹虎乃各以其半去

豹

文蔚

周易革卦云君子豹變小人革面象曰君

子豹變其文蔚也小人革面順以從君

音山

廣

志云豹有赤豹南山有玄豹南多赤豹狐死首丘豹死首山是性之異也。**兇難**孫氏瑞應云周文王拘於羑里散宜生於懷塗山得玄豹以獻

紂免西伯之難**皮災**莊子云豐狐文豹棲於山

林處於石穴靜也不免於網羅之患其皮爲之

災也**感學**後秦記云狄伯奇少曾遊獵得豹見

其文采炳煥遂自感歎始學書藝**得霧**謝朓云

雖無玄豹姿且得南山霧

犀

似豕爾雅云犀似豕**然魚**晉書曰溫嶠還武昌

至牛渚磯云其水多怪物遂然犀角西照之見

奇形異狀或朱衣乘車馬夜夢人曰與君幽明

道別何苦相照**獵得**書紀年云夷王獵于社林

得一犀牛**駭鷄**戰國策云張儀爲秦破從連橫

說楚王楚遣車百乘獻駭鷄之犀夜光之璧於

秦王**駭狐**淮南萬畢術云犀角駭狐**解毒**抱朴

子云犀角遇毒藥攪之皆生白沫無復毒物則

無沫起也通天犀所以能殺毒也爲物食百草

之毒及衆木棘歲一解角藏於山中人刻木如

其角之犀不覺後年輒復解**開棘**林邑國記云

犀行過叢林不通便開口露齒前向直指棘林

自開

象

搖光

春秋運斗樞云搖光之星散而爲象

梁山

爾雅云南山之美者有梁山之犀象焉

焚身

左

傳云四象有齒以焚其身

奔師

又義吳伐楚鍼

尹固與王同舟王使焚燧象以奔吳師

乘戰

漢

書大宛傳云身毒國其人乘象以戰

生捕

吳志

云扶南王盤光少而雄傑聞山林有大象輒生

捕取殺之習泰乘騎諸國聞而伏焉

馳食

山海

經云巴蛇食象三歲而出有骨

耕田

帝王世紀

云舜葬蒼梧下有羣象常爲之耕又云禹葬會

稽祠

跪拜

萬歲曆云成帝咸康六年臨邑王獻

象一知跪拜

知太

文字云見象之牙知大於牛

置於

江表傳云孫權遣使詣闕獻馴象二頭魏

太祖欲知其重輕咸莫知爲計時鄧王冲尚幼

乃曰置象大船刻其所至稱物以載之可知也

太祖太悅即命施行

辯虛

論衡云象耕鳥耕虛

言也五帝三王皆有功德何獨於舜禹也蒼梧

之地多象會稽衆鳥所居象自蹈土鳥自食草
土蹶草盡若耕耘也

泣皮

子萬機論云莊周婦

死而歌夫通姓名者以卑及尊死生不悼不可

論也天象見子皮無遠近必泣問何忍哉

鼻食

又云象身倍數牛而目不如豕鼻長五六尺大
如臂其所食物皆以鼻取之

戰聞

後魏書云曰

乾陀國好征戰有鬪象七百頭十人乘一象皆
執兵

哀死

博物志云象有九貞與日南各有雌

雄其雌死百有餘日其雄泥土塗身獨不飲酒

食肉問其所以輒流涕若有哀狀

豕

豕

爾雅云豕猪獠豨么幼豨者狃豨生三縱

二師一特所寢褶四蹄皆白孩其跡刻絕有力

狃牝豨彘五尺爲豨狃

釋名

說文云彘小豨也

豚生三月縱也豚生六月也或曰一歲曰縱

豨牝豨豨也豨三歲豨假牡豨也豨豨也豨大

谷名猪曰豨豨豨息也豨以穀圈養豨也

集地

何承天纂文云梁州以豨爲獠河南謂之彘吳

楚謂之豨魚陽以大猪爲貳齊徐以小猪爲猥
貌白豕黑頭也猥豕奏毛也**方言**方言云猪燕

朝鮮之間謂之猥關東謂之彘或謂之豕南楚
謂之豨其子或謂之豚或謂之彘吳楊之間謂
之猪子**應天**春秋說題辭曰斗星時散精爲彘

四月生應天時**參軍**崔豹古今注云猪一名豕

一名參軍**剛鬚**曲禮云凡祭豕曰剛鬚豚曰臠

肥豨左傳云衛靈公夫人南子與宋朝通衛

太子使齊過宋宋野人以婁猪刺而歌之云旣

定爾婁猪盍歸吾狄狻猊史記曰子路性鄙如勇伉直冠雄鷄佩假豚不食養生要集云白豕白蹄青瓜不可食豪豕山海經圖云豪豕讚曰剛鬣之族號曰豪豕毛如攢錐中有激矢白頭越絕書曰朱浮與彭寵書責之曰伯通自伐以功爲高天下往時遼東有豕生子白頭異而獻之行至河東見羣豕皆白懷慙而還若以子功論於朝庭則爲遼東豕也

素駝

出處

淮南子曰橐駝本出泉渠**天竺**廣志云天

竺以北多駝駝**寶厰**史記蘇秦傳云蘇秦說楚

威王曰大王誠能用臣之愚計則燕代橐駝良

馬必實外廐**鄯善**漢書西域傳傳云鄯國多駝

駝**兩脚**南史四夷傳云滑國有兩脚橐駝野驢

有脚**知風**後周書云西北有流沙數百里夏日

多熱風爲行旅之患其風欲至唯老駝知之即

預鳴而聚立埋其口於沙中人以爲候即以覆

擁其鼻口其風迅速須臾即過不爾則至危幾

知不足齋

鹽鐵論云齊陶之縑南漢之布中國以一

端縵得匈奴累金之物驢騾駝可使御尾入

塞知不足齋

博物志云墩煌西渡流沙千餘里中無

水時時伏流處人不能知乘駱駝知水脉遇
其處輒停不肯行以足踢地人於蹋處掘之輒
得水

驢騾駝

郭璞山海經圖讚云駝唯奇畜肉鞍

是被迅驚流沙顯功絕地潛識泉源微乎其智

鹿

麋色

述異記云鹿千歲而蒼又五百年而白又

五百年而玄漢成時中山人得玄鹿烹之骨皆
黑色仙者說玄鹿爲脯食之壽二千歲**黃金**穆
天子傳云天子賜曹奴之人黃金之鹿白銀之
麋**蔡茂**博物志云雲南郡出茶首其音蔡茂是
兩頭鹿名也獸似鹿兩頭其腹中胎常以四月
中取可以治蛇虺毒永昌亦有之**挾轂**謝承後
漢書云鄭弘爲臨淮太守行雨白鹿隨車挾轂
而行弘惟問主簿黃國賀曰三公車畫作鹿明
府當爲宰相後果爲太尉**挾轂**晉書曰石勒嘗

備於臨水爲遊軍所囚會有羣鹿傍過軍人競逐之勒乃獲免俄而又見一老父謂勒曰向羣鹿者我也君應爲中州主故相救耳

賈楚

管子

云管子謀楚請桓公貴買其鹿公即爲百里之城使人載錢二千萬求生鹿於楚人楚人釋耕農而養鹿

袁崧

白鹿山詩序云荆門山臨江皆絕壁峭峙五百餘丈巨帶激流禽獸所不能履此岸有一白鹿浮過江行人競逐之至山下鹿忽飛超踰岡而去故名此壁白鹿山

白鹿山

蕭子顯齊書云始興盧度隱居西昌三顧山鳥獸隨之夜有鹿觸其壁度曰汝勿壞我壁鹿應聲去

不侵

唐書云褚無量丁母憂廬於墓側所

植松柏時羣鹿犯之無量泣而言曰山中衆草不少何忍犯吾先塋栽樹因通夕守護俄有羣鹿馴狎不復侵害

斷獵

劉敬叔異苑云鹿兩角

有七星符鄱陽樂安彭曾射一鹿兩角間有道家七星符而其祖名字鄉居年月存焉遂斷射

獵家

酉陽雜俎云胡珣爲

州

時獵人殺得

鹿重一百八十斤蹄下貫銅錄上有篆字博物者不能識

銅牌

又云毛中得銅牌上嘗於芙蓉

園中獲白鹿惟王山人識之曰此晉時鹿也上其異之令左右周視乃於角際雪毛中得銅牌刻之曰宜春苑中白鹿上愈愛並說文云麋牡鹿也夏至解角麟大牝鹿也麋鹿麋也麋鹿迹也麋鹿子也麋鹿之絕有力者也麋大鹿也爾雅曰鹿麋牡牝麋其子麋迹速絕有功麋

鹿

詩云魴鱖甫甫麋鹿嘆嘆

濯濯

又云麋鹿濯濯

白鳥翬翬

鴻儀

史記曰古者皮幣諸侯以聘享

漢武帝乃以白鹿皮方尺緣以藻繢爲幣直四十萬王侯朝覲享聘以爲薦璧然後得行

兔

目赤如朱

古今註云成帝建平元年山陽得白兔其

目赤如朱

括地圖

云天池山有獸如兔鼠

首名飛兔以其背上毛飛

抱朴子

云和兔

升法以兔血和丹與蜜蒸之如梧子者二丸一

百日有神女二人來侍可役使也出抱朴子

刻

毛

張播漢記云梁冀起兔死于河南移傲在所

調發生兔刻毛以爲識人有犯者罪至死

月精

典畧云兔者明月之精

砥雄

論衡云兔砥雄毫

而孕及生子從口中出

三兔

春秋後語馬援謂

孟嘗君曰狡兔有三穴

三兔

述異記云商紂之

時大龜生毛兔生角兵甲將興之兆也

兔破淮

南子云楚王佩玦逐兔馬速玦破乃取兩玦唇

而著之其破愈疾

明視

禮云兔曰明視出月運

斗樞云行失瑤光則兔出月注陰不銜陽故兔

出月

月氣

論衡曰儒者書月中兔夫月水也兔

在水中無不死者夫兔者月氣耳

瑞獸

瑞應圖

曰赤兔者瑞獸也王者盛德則至

獻女

後魏書

云有兔入於後宮檢問門官無從得入太祖令

崔浩推其咎徵浩以爲當有鄰國貢嬪嬙者明

年姚興果來獻女

兔走

淮南子云以兔之走使

大如馬則逮日追風及其爲馬則不走矣

走衛

慎子云二兔走街百人追之積兔於市過而不

視非不欲得分定故也

望月

博物志云兔望月

而孕口中吐子舊聞此說今日見之

猿

爲笛

酉陽雜俎云猿臂可爲笛吹之其聲圓於

竹

報時天寶遺事云商山隱士高太素所居曰

清心亭每一時至則有猿啼于庭下謂之報時
猿

牛

名異

說文云牡畜父也從牛土聲牝特牛父也

牝畜母也從牛匕聲犢牛子也犝二歲牛也犛

三歲牛也牝四歲牛也戒驂牛也旽白黑雜毛牛也掠坊犢牛白眷也徐黃牛虎文也犂駁牛也將牛白眷也犂牛文駁如星也犢牛黃白色也犂黃牛黑唇也犢白牛也犢牛馬眷也牧牛俗行也犂牛息聲也一日牛名牯純色也擾牛秦謹也

爾稟

曲禮云祭天地之牛角繭栗宗廟

之牛角握賓客之牛角赤

破齊

史記云騎劫攻

即墨田單用牛千頭衣以五綵縛刃其角結火其尾穿城出牛壯士五千銜枚隨後牛出火明

所觸皆死之城上士大譟燕師大敗騎劫死乘
勝逐北三戰三克遂下齊城**叩角**史記云齊威
欲仕齊侯桓公出牽牛叩角而歌曰南山粲白
石爛短布單衣不至慚生不逢堯與舜禪長夜
漫漫何時旦桓公用之**四耳**洞冥記云元封三
年大秦獻花蹄牛高六尺尾環繞角生四耳出
郭子橫洞冥記**占骨**五經鈎沉云東夷占骨東
夷之人以牛骨占事呈示吉凶無往不中牛非
含智之物骨若有此之效**連富**孔叢子云獒頓

魯之窮士聞朱公富往問術焉告之曰子欲速
富畜五牝乃適西河六畜牛羊于綺氏之南十
年之間子息萬計其擬王公金犢朝野僉載云
金犢子龐帝師養一牝牛一赤犢子前後生五
犢得絹一百疋及翻轉至萬疋時號金犢犢角
風俗通云賣牛勿握角令不售按恐觸人故人
不取反牛玄中記云大月支及西胡有牛名反
牛以今日割取其肉三四斤明日其肉已復瘡
亦愈嬰筋志怪云荀晞爲兗州鎮去京師五百

里有貢晞珍異食者欲貽都邑親貴慮經信宿
不復鮮美募得牛能日行千里晞旦發書疏一
更始竟荅書已還晞以其駿快疑筋骨有異殺
而觀之唯有雙筋如小竹大自頭挾脊著肉裹
故外不覺有筋 齊州先賢傳云羅威字德仁鄰
家牛數食其禾既不可逐乃爲斷芻多著牛家
門中不令人知數數如此牛主驚怖後知之乃
便相約率檢犢不敢復侵威田繫 齋書云豫
章獻王巖爲揚州刺史拜延陵季子廟觀泚井

有牛突部伍直兵執牛推問王不許取絹一疋

橫繫牛角放歸其家

鄒樞

洞冥記云元封中秦

獻牛善走多力使輦銅鐵起望仙宮迹在石上

背如花形故陽關之外有花牛津

泥雨

廣州記

云州有石牛每早殺牛以血和泥泥石牛背既

畢即雨泥盡方止

名泉

華陽國志云牛飲水者

昔程鄭於此飲牛江爲之竭因以爲名

谷量

後

魏書云婁提雄傑有識度僮僕數千牛馬以谷

量又史記云烏氏廐求奇繒物間獻戎王戎王

十倍其償予畜至用谷量牛馬

無疫

後漢書云

朱暉爲臨淮太守時牛大疫而臨淮獨無疫者

鄰郡牽牛入界避灾

覆斗

地里志云合浦徐聞

縣多牛其項上有特骨大如覆斗日行三百里

代麻

晉陽秋云武帝時有司奏御牛青絲紉詔

以青麻代之

共啖

晉書云郭舒嘗有鄉人盜食

舒牛事覺來謝舒曰卿飢所以食牛耳餘肉可

共啖之世以此服其弘量

蹄占

晉書云夫餘國

若有軍事殺牛祭天以其蹄占吉凶蹄解者爲

凶合者爲吉也

拯溺

孔子家語云子路拯溺者

其人謝之以牛子路受之孔子曰魯人必拯溺

矣

逐兔

焦贛易林云教牛逐兔任非其人費日

無功

執鼠

莊子云夫斃牛其大垂天之雲此能

爲大矣而不能執鼠

屠刀

管子云屠牛長朝解

九牛而刀可以剃髮則刀遊於其間也

樹精

玄

中記云萬歲樹精爲青牛漢桓帝嘗出遊河上

忽有一青牛從河中出人驚走太尉何公時爲

中尉將軍有勇走逆牛見公走還河公乃以左

手挽牛足右手持斧斫牛頭而殺此青牛者萬年之木也

海產

齊地記云東萊牛島上嘗以五

月海牛產乳海牛形似牛而無角騂色虎聲爪牙亦如虎脚似鼉魚尾似鮐魚尾長尺餘其皮甚軟可供百用牛見人奔入水以杖擊鼻則得之

入廟

漢書云或聘莊子莊子應其使曰子見

夫犧牛乎衣以文繡食以菽菽及其牽而入太廟雖欲爲孤犢其可得乎

通鑑

蜀本紀云秦惠

王欲伐蜀乃刻五石牛置金其後蜀人見之以

爲牛能便金牛下有養卒以爲此天牛也能便
金蜀王以爲然即發卒千人使五丁力士拖牛
成道致三枚於成都秦得道通石牛力也後遣
丞相張儀等隨石牛道伐蜀**誤認**謝丞後漢書
云劉寬嘗行有人失牛者乃於路就寬車中認
之寬無所言下駕步歸有頃認者得牛而送還
叩頭謝曰慙負長者寬曰物有相類事容脫誤
幸勞見歸何爲謝也**江神**風俗通云秦昭王使
李冰爲蜀守開成都兩江溉田萬頃江神歲取

童女二人爲婦永自以其女與神爲婚往至神
祠勸神酒杯但澹水永厲聲責之因忽不見良
久有所蒼牛聞於岸旁有間永還流汗謂官属
曰吾聞大極不當相助南向腰中正白者我綬
也主簿乃刺殺北面者江神遂死怒特列異經
云秦文公伐梓樹梓樹化爲牛文公遣騎擊之
騎墮地被髮牛畏之入水不出沒豐水中秦乃
立怒特祠劉孝威謝鎮牛書云雖復蜀守
神牛秦公怒特穆王白角何氏瑩蹄無以逾其

勁力適其致遠

馬

地類

易坤云牝馬地類行地無疆

象

又云震

其於馬也爲善鳴爲馬足

爲作足爲的類

取象

王弼云以龍叙乾以馬明坤隨事義而取

象也

唯象

左傳云昭公七年衛侯來獻其乘馬

服漚而死公將爲之櫝子家曰從者病矣請以

食之乃以惟裹之

圖

谷梁傳云晉獻公將伐

虢荀息請以屈產之乘垂棘之璧假道於虞公

曰此晉寶也荀息曰是取中府藏外府取中廐
藏外廐也後舉虞荀息牽馬操壁而前曰璧猶
是馬齒長矣

德至

孝經援神契云德至山陵則

澤出神馬

世圖

尚書中候云堯沉璧於河龍馬

銜甲赤文綠色臨壇吐圖

永昌

史記云郭隗謂

燕昭王曰臣聞古人有以千金求市千里馬而
不能得於是與涓人金請爲市之費千金覓之
而絕域有千里馬已死乃用五百金市其首而
還王怒曰安用死馬首乎徒費五百金涓人答

曰死馬首尚用五百金況生馬乎天下以王好馬馬將至矣未期年果有獻千里馬者者三足

泛駕

史記云武帝求賢詔曰馬或奔踉而致千

里士有負俗之累而立功名夫泛駕之馬亦在

御之而已魏志云穢因出菜下馬漢時恒獻之

馬高三尺乘於巢尉下行

絕影

魏書云曹公所

乘馬名絕影爲矢所中傷頰及足

踏地

吳書云

孫堅於西華矢利堅被創墮馬卧草中軍衆分散不知堅所在堅所騎驪馬馳還營踏地而鳴

呼將士隨馬於草中得堅**汗血**後周書云吐火

羅國頗梨山南崖穴中有神馬姓其崖駒皆汗

血**騃**漢書音義云騃衰者神馬也赤喙黑身

水馬山海經云滑水中多水馬如馬而文臂牛

尾其音如呼**杜蘅**漢書音義云天帝之山有草

馬狀如萊臭如糜蕪名曰杜蘅可以走馬**吉壇**

又云犬戎之國有文馬編身朱鬣目若黃金名

曰吉壇乘之壽**天機**列子云秦穆公謂伯樂曰

子之年長矣子姓有可使求馬者乎 伯樂

對曰良馬可形容筋骨相也天下之馬者
若滅若沒若亡若失臣之子皆下才也臣有所
與九方皋其於相馬非臣之下也穆公見之使
行求馬三月而反報曰已得之在沙丘穆公曰
何馬對曰牝而黃使人往取之牡而驪公不
悅召伯樂曰敗矣子之所使求馬者色物牝牡
弗能知又何馬之能知他伯樂曰若皋之所觀
天機也得其精而忘其麤在其內而忘其外馬至
果天下之馬也

喻政

晏子春秋云魯定公問於

顏回曰子亦聞東野畢之善御乎對曰善則美矣其馬將必佚定公色不悅顧謂左右曰君子固誣人耶顏回退後三日校來報曰東野畢之馬佚僕雨驟曳雨服入于廐公聞之越席而起促召顏回至公曰前日寡人問吾子以東野畢之善御而子曰其馬將佚不識吾子奚以知之對曰以政知之昔者帝舜巧於使民而造父又巧於使馬舜不窮其民而造父不窮其馬故舜無佚民而造父無佚馬今東野畢之御也升馬

報轡御體正矣步驟馳騁朝禮畢矣歷險致遠馬力盡矣然而其心猶乃求馬不已臣已此知之公曰善哉誠若子之言也

然惜

韓子云伯樂

教其憎者相千里馬教其愛者相駑馬以千里馬世一有其利少駑馬多其利多也

見爲

符瑞

圖云飢馬盈廐嘆然未見芻也飢狗盈宮嘆然未見骨也見骨與芻動則不可禁亂世之民嘆然未見賢者也見賢人則往不可止

進鼎

燕丹

子云太子有千里馬荆軻謂太子曰千里馬肝

美太子即進肝**服皂**燕丹子云天下有道飛黃

服皂**不忘**燕丹子云馬免人於難者其死也葬

之以惟牛有德於人者其死也葬之大車之薦

牛馬有功猶不可忘**毛尾**淮南萬術云馬毛

犬尾親友自絕取馬毛犬尾置朋友若夫婦衣

中自相增也**銅器**地鏡圖云銅器之精見爲馬

名馬古今注云秦始皇有七名馬一日追風二

日白兔三曰躡影四曰追電五曰飛翾六曰銅

雀七曰晨鳥**驚帆**又云曹真有駿馬名爲驚帆

言其馳驟如烈風之舉帆

一疋

風俗通云馬一

疋俗說馬比君子與人相疋或曰馬夜行目明
照前四丈故曰一疋或說馬賣得一疋帛或云
春左氏說諸侯相贈乘馬束帛束帛爲疋與馬
之相匹耳

八駿

王子年十遺記曰周穆王即位

巡行天下馭八龍之駿名曰絕地翻羽霄越影
喻暉超光騰霧扶翼

白鶴

王子年十遺記云曹

洪與魏武帝所乘之馬名曰白鶴時人諺曰憑

空虎躍曹家白鶴

騏驎

劉琬云吾有駿馬名曰

騏雄龍頭烏目麟腹虎胸尾如雲慧耳如挿荷

逸 春秋云伊尹說湯曰天子不得玉米

故須肯龍之疋遺風之乘注云皆馬名也**望雲**

國史補云德宗幸梁御馬號望雲驪駕還飼以

一品料暇日牽而視之至必長鳴四顧若感恩

狀人多圖之**九逸** 西京雜記云文帝自代還有

良馬九疋皆天下駿足其名曰浮雲赤電絕羣

逸驃紫驚綠耳青驄龍子麟駒絕塵號爲九逸

世語云劉備屯樊城劉表曾請宴會荆越

蔡瑁欲因會取備備覺之偽如廁潛遁所乘馬
名爲的顙至襄陽城西涇溪中溺不得出備急
曰的顙今日厄可不努力的顙一踢三丈遂得
出**莫乘**淮南子云必得駿褭飛兔而駕之則世
莫乘車矣**藏空**洞冥記云脩彌國有馬如龍騰
虛逐日或藏形於空中唯聞聲耳**綠尾**東觀漢
記云吳漢守城都公孫述將延岑遣奇兵出漢
兵後襲擊破漢漢墮水緣馬尾得出**垂鑿**吳苑
云符堅爲慕容冲所襲堅馳馬墮澗追兵幾及

計無由出馬即踟躕臨澗垂鞚與堅堅不能及
馬又跪堅攀之得登岸西走河精瑞應圖云龍
馬者仁馬河水之精也額上有翼旁有垂毛鳴
聲九音有明王則見相法伯樂相馬經云馬頭
爲王欲得方腹爲城郭欲得張脊爲將軍欲得
強鼻穴欲得大耳欲相近而前堅上唇欲急而
方物賈周禮云馬質掌質馬量三物一曰戎馬
二曰田馬三曰駑馬皆有物賈注曰物賈物色
賈直閏等又云天子十有二閑馬六種邦國六

開馬四種家四開馬二種**龍種**隋書云土谷渾有青海周迴千餘里有小山其俗至冬輒放牝馬於其上言得龍種嘗得波斯草馬放入海因生駿駒日行千里放時稱瀚海駒馬

騾

三種

說文云騾二種驢父馬母也

無慙

三國典

畧云齊陽休之嘗乘騾遊於公卿畧無慙色

戰

唐書云吳元濟叛其將有董重質者守洞典

其部下乘騾即戰號騾子都尉最爲勁官軍

怕驚備之

驢

耳長

說文云驢似馬耳長也

漢驢

何承天纂文

云驢一曰漢驢其子曰驢

學驢

史記云戴良字

叔鸞其母喜驢鳴常學之以娛樂

作驢

晉書云

王濟卒將葬時賢無不畢至孫楚雅敬濟而後
來哭之甚悲客莫不垂涕哭畢向靈牀曰卿嘗
好我作驢鳴我爲卿作之體似聲真賓客皆笑
楚頌曰諸君不死而令王濟死又世說云王仲

宣好驢鳴既葬魏文帝臨其喪顧語同遊曰王
好驢鳴可各作一聲以送之赴客皆作驢鳴

似

猪世說云孝武帝未嘗見驢謝太傅問陛下遥

想其形當何所似孝武掩口而笑答曰頭當似

猪**無用**楚辭云驥垂兩耳中阪蹉跎蹇驢服駕

無用日多**無策**楚辭云駕蹇驢而無策又何路

之能極**題面**吳志云諸葛恪父瑾長面似驢孫

權大會羣臣使人牽壹驢入題面曰諸葛于瑜

恪跪請筆益兩字續其下曰之驢舉坐歡笑乃

以驅賜恪

自驅

晉陽秋云胡威少有志尚

清白父質爲荊州守威自京都省之家貧無車馬僮僕自驅驢單行拜見父停廐中十餘日辭歸每至客舍自放驢取樵爨食

學吟

陳武別傳

云武本休屠胡人常騎驢牧羊諸家牧豎十數人或有和歌者武遂學太山梁甫吟之屬

羊

跪乳

春秋繁露曰凡贄卿用羔羔飲乳于其母

必跪類知禮者故羊之爲言祥故以爲贄

藏穀

莊子云臧與穀二人相與牧羊而俱亡羊問臧
奚事則挾策讀書穀奚事則博塞以游二人事
業不同其亡羊均也

荷篋

列子云楊朱見梁王

言治天下如運諸掌王曰先生有一妻一妾而
不能治三畝之園而不能芸言治天下何也曰
君見夫牧羊者乎百羊而羣使五尺童子荷篋
而隨之欲東而東欲西而西使羣牽一羊舜荷
篋而隨之則不能前矣

皮實

楊雄法言云敢問

質曰羊質虎皮見草而悅見豺而戰忘其皮之

虎也

淫

博物志云陰夷山有淫羊一日百遍

脯不可食但着牀席間已自驚人又有作淫羊
脯法取牯犇各一別繫令相近而不使相接食
之以地黄竹葉飲以汁米濡百餘日後解放之
欲交未成便牽兩殺之膊以爲脯男食牯女食
犇則並如狂好醜亦無所避其勢數日乃歇治
方煮茱萸菖蒲汁飲之又以水銀宮脂塗陰男
子即痿宮脂鹿脂也

類

述異記云羊而不角

呼蛟羊一名朝犇郎一名青烏

祀

搜神記云

宣帝時陰子方者極孝有仁恩正當臘日晨炊而竈神形見子方再拜家有黃羊因以祠之

古

宗

列神傳云昔有攘羊者以羊遺叔嚮母埋之

不食後三年攘羊事發追捕嚮家檢羊骨肉都

盡唯舌有在因人異之遂以羊舌爲族

異類

字

林云羈胡羊也羈羊腊也似羊四耳九尾目在

背

樹精

玄中記云千歲之樹精化爲青羊

羈薄

羈豹古今注云羊一名美髯鬚主簿

羈毛

曲禮

云祭羊曰羈毛

宜

周禮天官食豎云凡會膳

食羊宜黍**取敗**左傳宣上曰華元殺羊享士其

御羊斟不與及戰曰疇昔之羊子爲政今日之

事我爲政與入鄭師故敗**肉袒**史記云武王克

殷微子持其祭器肉袒面縛牽羊把茅膝行而

前**食鹿**穆天子傳云春山大羊食鹿豕三合春

秋說題辭云羊者祥也合三而生以養王也**將**

狼史記云黥布反欲使太子將往擊之四皓謂

建成侯曰今諸將皆陛下故等夷乃令太子將

此屬無異使羊將狼**各類**說文曰羔羊子也羴

五月生羔也。犖六月生羔也。牽七月生羊也。𦍋羊木卒歲也。特牝羊也。𦍋壯羊也。羖乘羊也。𦍋黃腹羊也。羖羊名也。**谷名**爾雅云曰麇大羊羖如羊。羊牡𦍋牡特。夏羊牡羖。羖羊黃腹未成羊。羖絕有力。奮羊六尺爲羖。**角羖**毛詩云無羊宜王考牧也。誰謂爾無羊三百維羖。爾羊來思其角戢戢。**玉羖**家語云季伯子穿井獲如玉。缶其

中有羊。使問仲尼曰吾穿井得羊何也。對曰以丘所聞非羊也。木石之怪夔魍魎。水之怪龍罔

象土之怪類羊也。**壁人**傳云衛玠少時乘白羊於洛陽市市人觀之咸曰誰家壁人於是家聞州黨遂號曰壁人。**負來**博物志云胡蔥蜀中本無洛中人有軀羊入蜀者胡蔥子着羊毛蜀人取種因名曰羊負來又外國得胡麻豆或曰戎菽。**懸頭**雜五行書云懸羊頭門上除盜賊

犬

斗精春秋考異云犬斗精所生七九六十三陽氣通故狗三月而生各高三尺。**鬪龍**搜神記云

會稽句章人張然養一狗甚快名曰烏龍

青鸛

周處風土記云犬則青鸛白雀飛龍虎子馴良

捷警難伸易使

龍犬

白澤圖云黑犬白頭長耳

捲尾龍也

白蒼

述異記云古徐國宮人娠而生

銜卵棄之水濱有犬名曰蒼負而歸俄而成人

遂爲徐嗣君

茹黃

劉向說苑云荆王得茹黃之

狗宛路之矰以畋雲夢三月不返保申跪而啓

王出而自沉於澗荆王乃殺狗折矰

瓠頸

晉書

曰云杜預有癭疾初攻吳吳人憚其智以瓠繫

狗頸示之及吳平預盡殺之

完

魏志云太祖

言我有丁斐猶人家有盜狗善捕鼠雖小損而

完我囊褚

秦龍

列仙傳云邗子者蜀人好放犬

犬走入山穴邗子隨之行數百里出山頭有殿

屋官府仙人使甚嚴見其故妻主洗魚與邗子

一幽藥發幽魚子也著池中養之一年皆爲龍

邗子後還山見犬色更赤有長輪隨邗子遂留

山上時時下護其宗族蜀人立祠焉

寶嚴

西京

雜記云楊萬年有獵狗名青骸直百金

桂芳

西

京雜記云茂陵少年李亭好馳逐鷹犬皆制佳
名狗則有脩毫蹙眊白望青曹之號**神旆**淮南
子云削薄其德增累其刑而欲以爲治無異執
彈而來鳥袖稅而狎犬也注稅杖也**晉書**
云吳隱之爲奉朝請謝石請爲衛將軍主簿隱
之將嫁女石知其貧絮遣女必當率薄乃令移
厨帳助其經營使者至婢方啼犬賣之此外蕭
然無辨**呂氏春秋**云齊有善相狗者其鄰
藉之買鼠狗基年而得曰良狗也其鄰畜之數

牛不噉鼠以告相者曰此至在麋麋豕鹿不在
鼠欲其鼠也則桎之其鄰桎其後足狗遂取鼠

懸蹄

說文云狗犬之有懸蹄者也孔子曰視犬

之字如盡狗也

叩氣

說文云狗叩也叩氣吠以

守也

黃羊

古今注云狗一名黃羊又曲禮云効

羊者右牽之効犬者左牽之又曲禮云凡祭祀

犬曰羹獻

蓋地

檀弓云仲尼之初狗死使子貢

埋之曰吾聞之弊惟不棄爲埋焉也弊蓋不棄

爲埋狗也丘也貧無蓋於其封也亦與之席無

使其首陷焉

注

後漢書云岑熙爲魏太守無

爲而化視事二年與人歌之曰我有枳棘岑君伐之我有蝨賊岑君遇之吠狗不驚足下生鼈

渠

周書云渠浚大者露犬也能飛食虎豹

疾

畊

呂氏春秋云齊有好獵者不得獸欲湏良狗

家貧不能得乃還疾耕疾耕則家富家富則有

良狗有良狗則數得獸也獵常過人霸王亦然

禦災

風俗通云秦始殺狗磔四門以禦虫災今

人殺白犬以血題門戶曰正月白犬血辟除不

祥犬

爾雅云犬生三獫二師一獫未成毫狗

長喙儉短喙獨獫狗絕有力狔獫狗也狗四足

爲獫

左傳云晉侯飲趙盾酒伏甲將攻之

其右提彌明知之趨登曰臣侍君宴過三爵非

禮也遂扶以下公喉大獫搏盾明格殺之盾曰

棄人用犬雖猛何爲闕而出

迎吠

列子云楊朱

之弟曰布衣素衣而出天雨解素衣衣黑衣而

返其狗迎而吠之楊布怒將扑狗楊朱曰子無

朴矣子亦猶是也響者使汝狗白而往黑而求

豈能無怪哉**出要**東觀漢記云鮑永少有志操

事後母至孝妻嘗於母前叱犬而求即去之

鮑

鮑玄中記云高辛氏有美女未嫁犬戎爲亂帝

曰有討之者妻以美女封三百戶帝之狗名槃

瓠三月而殺犬戎之首來帝以爲不可訓民乃

妻以女流之會稽東南二萬一千里得海中土

方三千里而封之生男爲狗生女爲美女又搜

神記云高辛氏有老婦人居王官得耳疾醫爲

挑治得一物大如蜃婦人盛之以瓠覆之以盤

俄而而化爲犬其文五色名盤瓠
犬 雜五行書云犬生四子取黃子養之犬生五子取青子養之六子取赤子養之七子取黑子養之八子取白子養之白犬烏頭令人得財白犬黑尾令人世世乘車黑犬白耳犬主畜之令人富貴黑犬白前兩足宜子孫黃犬白尾令人世世衣冠

類雋卷第三十終

虛舟山人自趙至清源性來縉紳及在郡者咸與之遊
予亦與從遊之末也知其為康王黨類雋既動且久矣
書成不及獻而山人捐世予甚悼之時部道及郡侯淮
清源者莫不欲山人是書之梓行於世而又慮其費之
鉅也一旦兵道公祖鍾呼予於庭而命之曰山人類書
業既有成美予能梓之而竟山人之志乎此亦司空張
公王公司農王公鍾公諸公意也而州治父母呂亦屬
意於予予即承命聚工而鐫之計秩三十葉千七百有
奇歲餘而成此書一出世爭覩焉山人誠不朽矣

萬曆戊寅孟夏之吉清源後學汪珙謹識

刺類雋跋

余同夢韓張公於季春各以部
事分署清源暇則過與稽逸弔
古論學右文而每為予道虛舟
鄭山人之博學比之谷口子真
而大司馬確翁曾年兄亦嘗為

之延瓠托余以刻其類雋噫山
人足重哉蓋今作者固難而述
者尤難使非讀惠子五車鄴侯
一架而見之既諛能望其行之
可遠哉若吾蜀楊太史升菴氏
以華胃世家讀書中秘其所著

述有丹鉛摠錄藝林伐山等集
行於世又約其文之極粹者名
曰譚苑醍醐夫醍醐酒味之至
美者也美則人共旨之矣今山
人所著皆發

趙康王石室之藏攬撫羣書事

提其要區分彙聚成一家言而
題為類雋夫芻豢之至精也精
則人有不共嗜之者乎共嗜之
共旨之可以徵同好矣但升菴
氏名在玉堂望在海寓其傳自
易也山人布衣而人或未盡知

之今得太學汪生刻成海內
之皆將快為全齊之高士為文
章之盛事而山人亦藉以不朽
矣谷口子真異代相映而太學
生之功又烏可少哉是跋

萬曆丁丑季夏

賜進士茅承德郎戶部陝西清
吏司主事奉

勅督理山東河南等處糧儲西
蜀王用楨跋